

TERM THAK ELECTION DING TAWH KISAI KIZAKSAKNA

Tu term pailen pen bei ding ahieh toh kiton in Term thak (2020-23) adia Tualsung Saptuam a committee tuamtuan ading kitelna neih ding ding tawh kisai TBSUC thupukna mipite kiang ah hiai bang in I kizasak uhi.

(a) Election Commission –

- i) Pastor Thuamminlian Guite, Chief Election Commissioner
- ii) Election Commissioners
 - a) Upa Thangkhosiam Tonsing
 - b) Upa Khamkhanpau Guite
 - c) Upa Thiankhanmuan

(b) Schedules leh poimoh dangte:

- i) Preparation of Candidate List - 09.02.2020
- ii) Scrutiny of Candidates - 29.02.2020
- iii) Election of TBSUC and TBDFC - 08.03.2020
- iv) Election of TBMC and TBFC - 15.03.2020
- v) Commissioning of new Committee members - 22.03.2020
- vi) Constitution of Office Bearers (latest by) - 29.03.2020

Theihtuak: TBYFC chihlauh siah election khempeuh zinglam leh nitaklam kikhopnate a neih tuaktuak ding ahi. TBYFC a ding pen nitaklam kikhopna vuak a neih ding; Tual Upa ding teelna dia bye-law a thilpiak toh kisai chinna bikhiaha kum thum kichi pen calendar year lak ding. Kisakkholhna paillelte feltak a sepsuah ahiehna di'n TOUPA ngen ni.

January 2020

Mipi Biakhhawmna hunte a Usher-te :

11:00 AM :

Vasant Prayer Cell 1 & 2

02:00 PM :

Dwarka Area BYF Fellowship

NIPINI NAWN BIAKNA HUNZEK

January 26, 2020

11:00 AM : ZINGLAM BIAKNA KIKHOP

Biakna & Phatna	: WT Makaih in
Thilpiak latna	: Upa Khamkhanpau
Nipi Skul	: Pastor
Pemlaklutna	: Local Secy.
Phatkawmna	: WT Makaih in
Hunkhakna	: Upa Songzalian

02:00 PM SUNNUNG BIAKNA KIKHOP

Biakna & Phatna	: WT Makaih in
Thilpiak latna	: Upa Kam Suanthang
Nipi Skul	: Pastor
Phatkawmna	: WT Makaih in
Hunkhakna	: Upa Thianzakham

ONLINE/BANK TRANSACTION TOH KISAI NGETNA LEH KITHEHSAKNA

Pathian mi siangthoute'n anuai a i Saptuam bank account ah online payment facility tuamtuan zang in biakna leh thilpiak thohlawm tuamtuan (Sawm-a-khat, Missionary Vakna, Antangpham, GBC, etc.) i pia seuhseuh ua, khateng a lut lak a 50% sang a tamzaw bank direct transfer hi ahi. Toupa min phat in om hen! Sunzom zel ni. Transaction pen NEFT mode hithei leh duhthusam ahi. Record fel leh lemtang sem ding gelna in thilpiak leh transaction details hih/submit na ding saptuam website a "THILPIAK" kichi kibawl hi.

Transfer mode leh Bank zat a tuam dungzui in remarks kigelhte (adiak in Quick/ Mobile apan transfer te) dawkkim vek lou sek ahiehman in thilpiak details email finance@ebccdelhi.org in hiam <https://ebccdelhi.org/thilpiak.html> hiam a theihsak zel ding ngaihpoimoh in nei chiat ni chih i kingen thakthak ahi.

"Evangelical Baptist Convention"

A/c No. 11084241142

State Bank of India, New Delhi

Main Branch Parliament Street, 110001

IFS Code SBIN0000691

Email: finance@ebccdelhi.org



Biakna Kikhop - NIPINI TENG
ZINGLAM DAK 11:00 AM
SUNNUNG DAK 2:00 PM

Laisiangthou Bulphuh

Huan, mi pilloute bang a omlou in,
mi pilte bang a om zaw in, na
omdan uah pilvang un;
Nite a hoihlouh ziak in hun na neih
sung un a tam theipen sem zel un.
[Ephesate:5:15,16]

PRAYER POINTS

✓ Nipini paita hunzek, volh a om bang mamtak a hon zang zousak a, Amah be di'a eite hon pikhawm nawn TOUPA min phat ni.

✓ Pastor Khankham & innkuan te mun-le-mual thak, pau-le-ham tuam zekna khawpi, Delhi a khawsak hon panta ahiehna uah thapia in, TOUPA khut a kemsak kawm in, A ompihna & tonpih zom zelna ngetsak ni.

✓ Incharge lamte apan kiza dan in Nipini paita (12/1) tan ah KTZ Latu mi 142 phata. Tu kumbul ah KTZ latu thak 17 in kibehlap zou cih ahi. Gelhthawh-simthawh a TOUPA gam nasepna in gam keek zel, kipahtu gen kawm in KTZ a thu kigelhte, a hamphatpih mi khat hih sawm ni.

✓ EBCC Delhi Pastor (leh EBCC Chandigarh area pastor hihna kop), Pastor Minlian & innkuan te adi'n cidam-ludamna banah Kha Siangthou thopna ngetsak ni.

✓ Nipini nawn biakhhawmna hunseh kigeelte Toupa khut ah lankhe ni. Hiai hun a Toupa bia leh phatte lak a tel ding a kisakhaw in Amah ompihna leh tonpihna ngen bok ni.

Tukha Thupi

Hun Kemtu Muanhuai

For Private Circulation Only | January 19, 2020

TUNI BIAKNA HUNZEK

09:30 AM : COUNSELLING HUN

PASTOR G. KHANKHAM VAIDAWNNA

11:00 AM : ZINGLAM BIAKNA KIKHOP

Biakna & Phatna	: WT Makaih in
Thilpiak latna	: Upa Dr B Langkham
Pastor Vaidawnna	: Local Chairman
Thugenna	: Pastor
Phatkawmna	: WT Makaih in
Hunkhakna	: Upa T Tuanmuanthang

TEA FELLOWSHIP

02:00 PM SUNNUNG BIAKNA KIKHOP

Biakna & Phatna	: WT Makaih in
Thilpiak latna	: Upa H Zabiak
Pastor Thak Mellahna	:
Thugenna	: Pastor
Phatkawmna	: WT Makaih in
Hunkhakna	: Upa Thangkhosiam Tonsing

TEA FELLOWSHIP

BCD DEVOTION PROGRAMME KISAKKHOLHNA KHA

Ahun : 11:00hrs Nipini 3na

Amun : BCD Hall

Pitu	: Htp Nicky
Bible Sima thumna	: H Khualkhansiam, Inter
Phatkawmna	: Lapite makaih
Sinsaktu Thakte Pulakna	:
leh Thugenna	: Upa H Zabiak, SP
Thilpiak Latna leh	:
Toupa Thumna	: Htp Ginliansang

Pawl kikhenna/ Minkhumna om ding
(Huai di'a 2019 a mahni class chiat a pai ding)
Music Club Lasinna om ding
January khasung Ushers dingte: Pri. Heutute

*Guest
Editorial*

TU CHIANG DONG HON PI

"Tu chiang dong hon pi, Toupa na hoih hi, Ka sapna teng a hon huhpa na hi.." Laphuaktu (PKT) in ana chih, a laphuaktu leh mi zatamte adi'n dik hinah! Zanhah (17/01/2020) nitak a kipaktak a saptuamte'n I na vaidawn uh Pastor Khankham in a genna ah, "Thuangtam khua akipan hi ung. Thuangtam, sikha' lanna khua akipan le Pastor piang/pawt thei.... Kum tamdekta, zunkhum nei, kihamhaih hat simta. Ahi a, amun-amual theisa Pastor Minlian, pau-le-ham buailou hilai leh seppih di Upate muanhuai thei k'on sa. (Upate'n) hon zang siam nalou di uhia, ci a Toupa leh noute muang a hong kal suan ka hi. Vaidawanna, Vanlengphual leh biakinn mun a non na bawl dante uh thupi lua; ka hinkhua a kipahtawina hichibang lawmlawm tuak nailou ka hi. Hiai in van-inn nuam I tun hun di hon ngaihsun sak," chi hi. Ebenezer!

Pastor Paukhanmang, EBCC Delhi pawlpi kem a manphatak a hong kizat sung 18/02/1995-12/01/2001 ahi. Tua apan simtouh in, Pastor Khamkham pen kemtu pastor 9na chih theih hi. (Paukhanmang- Tunson- Khamkhanchin-Nenglian-Khaikhuphang-Biakson-Tuang Lang-Thuamminlian). EBCC Delhi bel 21/06/2017 a kum 25 mel mu hita ahi. 21/06/1991 a dinkhiak honghih nung, 14/03/1993 - 11/11/2000 sung Green Park Free Church zang in biak kikhopna pai; tua i zat lel EBCC Delhi Chapel, Dwarka 12/11/2000 apan kizangtou hidan ahi.

EBCC Delhi apan "EBCC Central Delhi" 25/04/10 in piang/ inntuan ahi. Banah, 12/11/16 in EBCC Chandigarh dinkhiak hong hi a, EBCC Delhi leh Central Delhi huzap a kivaipua in, Pastor te angvanna nuai ah feltak in pai uh.

Sawltak Pawl in, "Ke'n ka suan a, Apollo in tui in a vak a, himahleh Pathian in a khangsak ahi," (I Kor 3:6) ana chih bang in, Heutupa (Rev.) Paukhanmang hun a pan tuni tan a kemtu Pastor om zousiahte'n, amau hun chiat ah panna leh poimohna nei tek uh. Muhtheih lam leh muh theihloulam a saptuamte khangsaktu tak bel Kha Siangthou Pathian ahi. Pastor-te (Khankham leh Minlian) leh Upate pangkhawm etkolna nuai a Tualsung Saptuam kimakaih tou di'a I kisak lellel lai in, huai Kha Siangthou mah in eite lam hong lak in hong vualzawhpih ngei diing chih I kineem a, i thumna leng ahi. One step at a time.

AMA'N HONPI I KIPAK HI

Kilawp taka kimu (tuah), kum 5 nunga Pastor BS & innkuan tawh kikelah (tak) a hon kikhensak nungin vanglian TOUPA'N EBCC Delhi kemtu thak di honpiak Pastor Khankham & innkuan te damtak in 17/1 in honpi tung. Amau vaidawanna, TBSUC & BDF makaih in vanlengphual leh biakinn mun ah kilawm takin neih ani.

Pastor KK tancin saulou, anuai ah taklang hang. A tancin i theihna pansan in, amah leh na omsa Pastor (ML) te, i mimal leh innkuan thumna ah phawk zom zel ni.

Pastor G Khankham & Nu Hauzadim.

1. Goutan neihzah: Tapa 4 leh tanu 1;
2. Banah mou 3, leh tu (grandchildren) 5 nei.
3. Sepna ziaka om khakna khuate: a) Behiangjang, b) Kangkap, c) Thanlon, d) Songtal, e) Bungmual, f) Kawlbem, g) Shillong, leh h) Mualnuam.
4. Delhi a khawsa khawm di te -
 - 1) G. Khankham (inntekpa)
 - 2) Hauzadim (innteknu)
 - 3) G. Thangminlian (tapa)
 - 4) Vungzalawmi (tanu/ mou)
 - 5) Tute: ✓ Mannunhoih
✓ Dimthianven ✓ Khamthiansiam

Heutute apan thu zakdan in, Pastor Khankham & innkuan in a' tha-khek uh Pastor BS te ana teenna uh Pastor quarter luahtou in, Pastor Minlian te, tua a teenna uh Kishangarh ah khawsa tadih diing uhi. Ebenezer!

BYF CORNER

KIPAHTHU GENNA

Project Nehemia XI Financial Aid-2019 tungtawn a Zoudawn lam a i mi-le-sa naupang school fee pe zouloute panpih nuam a omkha hiam chia a November 2019 kha a akikan kual lai in awlmohtu mimal 29 leh tuailai area fellowship 1 apan a sum kigawm in Rs. 70,360/- hong kipekhawm a, tu in panpih ngai naupang 31 te school fee bat tengteng kipiak sak a, amau leng lungmuang tak in kum tawp exam thei uh ahi chih thu kiza hi.

Hiai bang a naupangte awlmoh leh siamsinna ngai poimoh a, kiphal tak a hon pekhawm tengteng tung ah kipahhuai kisa petmah hi. Amau leh a thilpiakte uh tungtawn in biak Pathian' min pahtawi in om henla, midangte adia vualzawlina hi ding in Van Pathian in amaute vuk zel hen aw!

ITNA LAIKHAK

Pastor H. Biakson & Family

Jan. 16, 2020: Saptuamte'n na hon thumpihnatte uh TOUPA a thawn lou in damtak in inn 3:40pm vel in tungta ung.

Koute adi'a thumna, thilpiak, tha-le-zung leh banglam peuh a na hon khotuahna uleh itna uh ziak in na tung uah kipahtu ka hon gen uhi.

Toupa'n a leh tampi in hon vualzawl in hon makaih tawntung hen! Pathian saptuam EBCC Delhi, saptuam hing, gahsua leh masawn saptuam hi tawntung hen aw!

Saptuam i omna peuh ah, saptuam apan lametna nei a tu (sit) mai hilou a, Khrist leh A' Saptuam adi'a hihtheihtawp a pang a, gimpah, tawlpah leh gentheihpih khop a hinna hu (breath) a beidong a kizang bei saptuam mimal chiat hithei ding in kuapeuh Toupa'n hon vualzawl hen!

Kithumpih zel ni! Kipak ung!

KIPAHTHUGENNA LEH REPORT

TBSUC, EBCC Delhi in muang mahmah a mohpuakna a got Khristmas 2019 leh Kumthak 2020' hunpitem lopna toh kisai a vaisai 'Celebration Committee' in Pathian' ompihna tang in vaisai khempeuh feltal a saizou in nisim 17.01.2020 in TBSUC khut ah report leh sum/van a kepte uh pekhe ta uhi. Report in a thutuun tomkim hiaite ahi:-

(a) Hunpitem zatna di'a Pathian apan vualzawlina sum-le-pai leh van thoh inkuan 169 pha (kum paisa sang a 46 a tamzaw) a, a sum in Rs. 3,15,300/- dan a chiamteh ahi (kum paisa sang a Rs. 62,400 a tamzaw). Zatkhiak tengteng Rs. 2,52,771/- pha a, zatkhit louh TBSUC a submit RS. 62,529/-

(b) Khristmas Nipini a ankuang umkhawm hun ah milip 1000 val tham hi a tuat ahi.

(c) Celebration Committee te lunggel siamna ziak in maban a saptuam' vanzat manpha hiding in hiai hunpitem lopna hun a Pathian hauhsakna hong luanglutte pansan in a nuai a vanthakte leikhiak ahi:-

1. Fibre Electric Chafing Dish -1 set
2. Stainless Steel Electric Chafing Dish - 1 set
3. Sikkeu liante - 4 nos.

Hiai bangteng vualzawlina hon tangsak Pa Pathian kiang a minletna tengteng pia in vaisai bangkim feltak a hon makaih Celebration Comttung ah saptuamte'n kipahtu I gen uhi.

Satan in na pawlpi a sukbeina ding in na pastor mah tum masapen hi.... Satan (Ngia/Wolf) in pawlpi a kem tuucingpa (Pastor-pa) usia zo peuhleh pawlpi mite (tuute) a ut bangbang in nezo ding in kingaihsun ahihman in tuucingpa mah tum masapen den hi. Tua ahihman in na pastor-pa a ding in thu ngetsak den in.

- Thugentu khat
(Ruth Messenger Nov-Dec 19)